

上海史料叢編

紫隄村志

上海市文物保管委員會編

一九六一年

上海史料丛編簡例

一、丛編所輯为上海地方历史文献資料，以稿本及旧抄本为主，包括流傳不广的重要刊印本。

一、为了保存文献，編輯工作仅限于对所选各著解題、书跋、断句或分段，間作必要的按語之外，概不进行注釋、考訂、校勘及增补工作。

一、排印用簡体字。其中有些是代用字类，如「徵」之于「征」、「廠」之于「厂」等，則改采繁体字，以免昔今異义。

一九六一年七月上海市文物保管委员会

紫隄村志原序

乡城皆王土也。然村蹟入县志則已略。入府志則尤略。以略始者久而必遺。况地兼二郡三邑如紫隄者。安所得彙各乘而詳觀之。此村志之所由作也。按紫隄原称蟠龙塘。於吾嚬为西南界。宋以前莫可考。其建庙筑桥則自元迄明。仅存岁次。而人物之不傳者已多。余尝經行其地。略覩土俗民风。或为余言。一切往蹟俱在蒼茫明灭間。及今不志。漸將并此可志者亦泯軼矣。且古之君子所为正己以正人者。不越劝戒兩端。誠即可志之言行箴义。一一表而出之。使既为善者曰。善固人不吾忽也。未为善者亦曰。善乃人所共尚也。則善者益勉。而不善者亦知懲。移风易俗之功。胥於是乎賴。行見邑采其可傳者。郡采其尤可傳者。郡邑之志因是益备。斯略者不至於遺。而是乡遂以不朽。寧謂界兼二郡三邑之村。其为志可或已哉。平阳耜雲子搆其尊人所著一书。介余弟笠南端以相示。展閱大略。实获我心。不止曩日經遊宛乎在目也。聊識数語而归之。 崑

康熙十七年戊戌岁嘉平月立春前二日补亭王晦撰

紫隄村志後序

汪萊陳

禹貢次典謨之後。職方列周禮之中。學者尊之爲經。而其在當時。無異今之有志也。然自後世觀之。田賦高下分其等。墳壙黎赤殊其壤。九鎮九澤列其名。千里百里易其服。列而載之宜也。至於篠簜簞輅。淮蠙江龟。海錯之纖悉。則類於草木魚蟲之書。而多男少女。多女少男之紀。則近于三戶窮村瑣細俚俗之說。古人何若是其詳而瑣也。則亦觀之治家者乎。治家者隨其家之所有而籍之。其常也。凡其田亩租稅錢貫絲縷醬罌僮指之數。此纖勤治生者之所詳。而遊閒致飾者所略也。二者所爲更相笑矣。而家之所以爲家者。固在此而不在彼也。蓋家之有籍。本以治生。而非以觀美。地之有志。本以經世。而非以博物。苟有切於利器用而阜民生。辨陰陽而蕃孳育。則固不得以移柶而略之。而况其大且重焉者乎。乃觀世之爲志者。其彼邱壑也。既無關於險夷瀦洩之宜。其載風俗也。亦無与于磨世厉俗之實。而徒及於仙佛之庐。臺榭之址。貴人之墟墓。文士之詞章。迄無實用。嗚呼。此亦何異治家者急其玩具。而所以周衣食之需者。謂漫不足徵也。則亦何取於志也歟。紫隄村地偏境狹。俗儉民貧。而家尙詩書。人敦孝弟。自故明迄今。不乏可傳可紀之事。惜無人之表徵闡幽。而嘉蹟美行。久湮沒於荒烟蔓草中矣。余兄吟巢氏。虛己洽聞。生平著述最富。大抵揚扞古

今。盱衡得失。酌時世之變。求雅俗之通。皆啻啻乎可以見之施行。一日出紫隄小志見示。更能抉前人之清芬。揚漸湮之逸事。其有關於人品邪正。民俗貞淫之大則書。述學校勵弦誦則書。水利之曲折。及風氣漸靡。物產土著禾稻木棉果蠃之碎而不可遺者則書。至若寺觀之廢興。亭館之榮落。必核其實以書。務不謬於禹貢職方之遺意。他日蜚聲翰苑。成當代良史才。皆於是乎基之矣。後之人能不以此為彈丸之地。而無補於是非得失之所以然。真善讀是書者矣。

增修紫隄村志自序

村之有志。所以著一方文獻。各郡邑志之採擇也。吾鄉紫隄村志創自汪叟否先生。網羅旧聞。彙列體例。攷之志乘。詢之村耆。大而忠孝節烈。小而事物細微。凡水道之利。物產之宜。以及民生休戚。風俗盛衰。靡不畢具。洵足為考鏡之資。各鄉邦之典故矣。第經營草創。隨得隨錄。未免有冗雜瑣屑處。要其追往开来。闡幽發隱。使先世之流風餘韻不至漸滅。誠無愧吾鄉之功臣也。計自先生絕筆於雍正初年。迄今將一百三十餘年。凡故老之前型。鄉村之遺事。已幾渺不可溯。虽十餘年前。侯君雲巖、朱君邠裳。曾有事於續修。而搜採未富。且俱天限以年。不克卒業。予以衰齡。無志帖括業。於修家譜後。即思修村志。自愧才識謏陋。恐無當於前人。且貽議於來哲。然守先待後。正有不能已者。倘及今不修。恐後之人欲求遺緒。益等諸黃農以上矣。爰溯原本自雍正以來續而修之。夫世遠則流傳失實。年久則遺漏必多。茲姑就童時所聞諸故老。且採諸各家遺編。為之略分世次。綴輯成帙。於所見則詳之。於所聞則略之。於所傳聞則尤略之。非敢苟簡。隔於時也。謹按前志所載。凡於村巷水道橋樑。多詳於盤龍塘以北。而略於南。茲就前志所及之境。一一補之。且人物別其流寓。詩文附於本條。亦就前志所未及者特為著明。非謂足備郡邑志之採擇。第不為抱殘

守缺。卽质之叟否先生。当亦不以爲罪也。

咸豐六年岁次丙辰

新嘉里沈 葵心卿氏撰

增修紫隄村志凡例

- 一、志以示勸懲。宜善惡並著。然善者可見。惡者難言。故每稱善不及惡。
- 一、風俗所以正人心。故必著其惡者以為懲創。
- 一、水道必有淤塞。必志其初。可為將來開濬之本。
- 一、墳墓纍纍。日積日多。惟著其有可表見者。
- 一、園宅亦惟著其有可表見者。否則即高堂邃宇。亦概從略。
- 一、故蹟祇取有可傳信者。若屬牽涉者不與。
- 一、旧志人物不分名目。以地僻人鮮。故止略分時代。今仍之（後若重修須分名目為是）。
- 一、里紳兼及庠生、監生、武生。以屬村志故不嫌瑣細。
- 一、傳必稱名。史例也。故虽尊親賢達。亦概從臨文不諱之例。
- 一、鎮名諸翟。已鐫巡檢司篆列于縉紳錄。仍稱紫隄村者。從旧志也。
- 一、人物列女。在本村者不註。餘俱註明居某村。
- 一、上谷东族支及朱家涇秦氏三世居膠城者。其人物虽註明。而仍入村志。從本籍也。

增修紫隄村志目录

卷首

序 凡例 图 目录

卷一

紫隄名义 各志称名 郡邑建置沿革 各邑疆界 村巷 田赋

卷二

水道 疏濬 桥樑(津渡附) 风俗 节序 土产 灾异(兵警附)

卷三

官署(循吏附) 营汛 古蹟 乡塾 祠宇 坊額

卷四

庙院 园宅 墳墓

卷五

元明人物

紫隄村志

紫隄村志

卷六

国朝人物

卷七

列女 流寓 方外

卷八

杂識 里紳 文籍 敘录

紫隄村志卷一

平陽汪永安叟否原本
上谷侯承庆雲巖續修
東陽沈葵心卿增修

紫隄名義

紫隄本名白鶴村。相傳肇居是村者為諸翟二姓（或曰狄）。故亦有諸翟之稱。各志多因之。又稱諸地者。以兩郡三邑交界而訛也（故後設巡司俗稱三界司）。後以村西多紫薇花。沿江樹之。因名紫薇村。亦名紫薇江（其曰諸狄者。或以龍江兩岸多芎葦而言也）。近來諸翟二姓。多散居村落。至狄姓尤微。其徑曰盤龍塘者。因村夾塘而名也。

各志稱名

蘇州府志載嘉定五村。其四曰諸荻巷。自乾隆間設立巡司。定名曰諸翟鎮。松江府志首卷多保市鎮圖稱諸翟巷。後載鎮市六六所。第三十二曰諸翟巷。註曰屬上海三十保。俗呼諸地上。嘉定縣志稱諸翟巷村。註曰。在縣西南五十里。係十四都字字號。上海縣志舊志稱諸翟巷市。註曰在三十保。俗呼諸地上。新志去市字。祇稱諸翟巷。在三十保二圖。青浦縣志稱蟠龍塘。係三十四保一區東六八圖。新志又稱梓地。雍正間分屬福泉。後仍并屬青浦。

本郡邑建置沿革

詳一統志廣輿記及府志縣志。本村屬蘇境者旧係崑山地。自宋時立嘉定縣。為臨江鄉。後改依仁鄉（屬十四都字字號，跨皇字字號）。屬蘇境者本秀州華亭地。元立松郡。增置上海縣。為高昌鄉（屬三十保一二三四五六七圖，二十九保四五圖）。故明又分立青浦縣為北亭鄉（屬三十四保一区东六八圖，跨西六八圖，四区十圖三圖，三十五保二区三十圖）。

方里

村在蘇郡东西隅（距城一百八十里）。松郡之北（距城六十里）。嘉定西南隅。上海西隅。青浦东北隅（距城各五十里）。东西可一里。南北約半里。負吳淞。踞龍江。連屬兩郡三邑之交。誠輿区也。

本村各邑疆界

凡郡邑接壤。多以水為界。紫隄村獨否。盤龍塘屬嘉定。而东灣一隅有屬上海。塘南屬上海。西至小涑口而止。塘北龍蟠橋而西至侯參政（堯封）旧宅屬上海。再西則又嘉定。故有一廛而跨兩郡者。過鶴龍橋而南而西則盡屬青浦。無互壤矣。按盤龍塘北屬嘉定。地本華亭高昌鄉三十二保。宋時立縣割屬之。青浦縣志載盤龍鎮而無諸翟村。蓋止係鶴龍橋南。不過十餘戶。故略之。

汪永安紫隄村賦 古吳东鄙。大江南偏。介兩郡以得聚。总三邑而增廛。橫川委折。蠡宇纏綿。

岸以紫薇而荻悴。沼以芙蓉而香聯。浦則飛鶴杳渺。塘則蟠龍蜿蜒。东寺西觀。閭井迴旋。花紅樹綠。景物鮮妍。非盤谷而弥聚茂。似曲水而可流連。粵稽明季。首推上谷。三凤蜚名。六龍著族。科第則累世增榮。文章亦历时相服。于时主持坛坫。扶獎人倫。膺門屢聚。楊盾鱣陳。願奉盤於下列。竟振贊於後生。迨乎轉乾坤。际鼎革。判盛衰。隔今昔。風景在而山河殊。繁華歇而滄桑易。思曼之風流頓盡。子敬之人琴足惜。守城則巡遠身亡。殉國則褒融命畢。攬里巷而簪齒爲墟。湖閨闕而樓題胥折。羗敵惘兮徒滋。虽侘傺其何益。若乃干戈寧靖。海宇昇平。远郊無鈴鐸之警。比戶有絃歌之聲。童持讲裏。士擥吟絜。文坛則翩翩後進。詩社則落落老成。且也境旣幽遐。風能勤儉。民復耕桑。商依市店。無紛華之相关。有惓惓之克贍。因之苦茗油醅。盈甌滿杯。晨琴夜弈。淡菊寒梅。或怀人而繾綣。或逢賓而追陪。寂历荒村。依稀乐土。土著新楹。寓公旧廡。吾本新安。迂由远祖。旣历葉而乔居。亦久安其环堵。有江給釣。潮頗安閒。無峯供眺。路不嶮艰。免勞禽之思填海。何愚叟之勤移山。恍王維之輞川里。賽李愿之太行間。然而如面难齐。翻雲可慨。或曲蓬而依麻。或芳草而为艾。数停劳而忘思。須值豐而多懶。逞气矜以見雄。持武断以貽害。此岂非有心者早当斂漸防微。积小以成大者乎。北亭兮高昌。青溪兮上洋。緊維膠水之地。爰号依仁之多。彙数村於四野。免一里之孤芳。所期共適清寧。無分疆域。墅窄心寬。水曲人直。衾影以些窺防慚。

須臾以寧馨弥力。互策勵以还淳。各辛勤而种德。庶幾雍熙之俗斯推。而詬誶之音并息。然則翟存往姓。諸無幾家。村裏浣花之韻致。隄分植柳之风华。浮名燭火。浊富朝霞。方寸浪伎求之念。七尺無絃摺之加。和风兮有味。皎月兮無瑕。蛙成鼓吹。鵝未諠譁。藉衡門以栖止。擅乐事其何涯。明程嘉燧經紫薇村詩。荒村何所有。枵腹但古树。小艇緣巷入。疎春閉門度。港穷見曲徑。接近引閒步。青蒼正相对。山照更斜雨。平生未經過。一覽似再遇。

咸豐四年心卿沈葵紫隄村十二詠。亭橋曉市。曉日亭橋市。肩摩路不通。斗糧謀汲汲。匹布抱忽忽。未問魚虾賤。但求薪米充。三竿時欲暮。归去急农功。巡署宵柝。司衙鳴柝急。入夜听巡更。人語喧初定。鼙声吠不惊。挨荒霜气重。街靜月华明。郑重姦回詰。乡关正用兵。时上海紅巾寇作乱。禪院梵音。永福禪林古。迁移历岁年。兵书遣井失。揭諦梵音傳。貝葉翻风葉。炉烟杂曉烟。钟魚今寂寞。誰复捨僧錢。龍江魚唱。蜿蜒江流远。悠揚漁唱长。数声乘落月。十里度寒塘。網得鱸魚白。催殘槲葉黃。船头高臥穩。幽夢入瀟湘。紫薇古隄。一里龍江市。沿隄植紫薇。爭开迎夏景。搖落尽秋暉。柯作蟠虬古。阴成翠幄圍。有人归画省。相对景依依。謂侯給諫震陽。貞石遺坊。巍巍古貞石。屹屹峙江村。徑僻藤蘿蔓。年深鳥雀喧。劫灰虽久历。勁甘总长存。姓氏留殘碣。摩挲字迹昏。山池步月。山平池尚在。散步月明时。魚跃浪花碎。鳥飞树

影移。芙蓉荒旧渚。荻荻长新陂。凭弔兴亡迹。徘徊恨所思。柳舫題詩。植柳圍成舫。同儕觴詠。風流前輩盛。蹤跡後人蕪。攀折千條盡。浮沈一葉孤。石田尋返棹。渺渺隔江湖。武廟演劇。年年五九月。演劇放層臺。帝監歎難必。人心敬自該。笙歌如沸起。男女若狂來。卜昼還連夜。村醪酤回。文宮讀書。乘鶴軒名古。逶迤曲徑深。香烟社已散。翰墨伴相尋。春雨滋苔石。秋風勁桂林。一編窗下誦。幽鳥和清音。玄壽道觀。崇敞前規失。蕭條傍里墟。井難尋古甃。橋尚映清渠。法力消妖孽。經声唱步虛。瑞雲凝久散。莫問納言書（謂侯通政峒曾）。雙鶴野浦。雙鶴何年至。蒼茫浸碧波。地幽人跡少。水曲古墳多。華表歸誰集。滄江掠自過。兼葭村落外。惟見掛漁簑。

村巷

乡村聯絡。出入守望。相友相助。臚列陳之。以敦（婚姻）洽比之誼。

村東北諸村之屬嘉定者。凌家宅、池圈、潘家橋（字字號三圖）。東管巷、板橋（字字號一圖）。馬街、陸家巷、槿樹園、南張巷（字字號三圖）。北張巷（字字號五圖）。周家巷、陳家角（字字號三圖）。秦家橋（字字號一圖。宅屬上海）。陸家橋（字字號五圖）。小良山（字字號六圖）。徐家橋（字字號五圖）。東花園、西花園、朱家涇（字字號六圖）。大橋頭（皇字號十一圖）。盛巷、八圖角（字字號六圖）。村西北諸村之屬嘉定者。高陳巷、王家橋、方亭浦（亦稱樓裏）。李厓、西場角、杜家巷（字字號

四图)。王家巷(字字号三图)。李家宅、季家巷(字字号六图)。宋家蕩、小桥头(字字号四图)。行前(字字号三图)。金家巷、調字圩(字字号六图)。楊木桥(字字号七图)。大墳头(字字号三图)。石皮街(皇字号十一图、字字号七图)。草庵头(皇字号十一图)。临家桥、卢家桥、譚家址、西横涇、袁家街、費家巷、芮芝园、張家灣(字字号七图)。八字桥(皇字号十一图)。塢城庵(皇字号十一图)。庙跨十二图)。

村东北諸村之屬上海者。新嘉里、西管巷、夏家桥、秦家桥、徐家庫(三十保二图)。金家巷(三十保四图)。柴蕩、西仓場(三十保五图)。陆家宅、庄家涇、墙裏(三十保四图)。陈思桥(三十保二图、四图、五图)。郑家巷(三十保五图)。竹桥头(三十保四图)。南杜巷、北杜巷、黄泥浜、沙家巷、潘錢家巷(三十保五图)。漣漣(三十保五图、七图)。曹家蕩、陶家角、东沈巷、許浦上、刘家街、何家巷、夏家石桥、西沈巷、錢家灣、华家宅(三十保七图)。

村东南諸村之屬上海者。田肚、唐家庫(三十保二图)。薛家庫、沈家灣、謝家巷(三十保四图)。长浜(三十保二图、四图)。馮家巷、陈家巷(三十保二图)。西庫(三十保一图)。八字桥(三十保一图、二图)。冬青墳、余家巷、顧家巷、周家巷、康家巷、金家巷(三十保一图)。李乡巷、沈家巷(三十保二图)。楊家巷、朱家蕩(三十保三图)。周家桥、下巷、顧家灣、王湖桥(三十保三图)。唐家角、陆

家街、界牌桥（三十保一图）。陶家桥、范家桥、刘家桥（三十保四图）。徐車佃巷（三十保三图）。邓家巷、孔家巷、姚家巷、东陈家巷、王家寺（二十九保四图）。顾家宅（亦名瑞芝里，三十保六图）。东八字桥（二十九保五图）。胡家桥、周家桥、周家宅、侯家角（三十保六图）。北袁、南朱巷、徐家老宅、木观荡（二十九保五图）。汤家巷、姜家街、駱家灣（三十保六图）。陈家木桥（三十保四图）。南池圈、楊家庫、西三溇、东三溇、張家行、南陈巷（三十保六图）。北陈巷（三十保七图）。

村西南諸村之屬青浦者。徐家浜圈、小涑庙、罗家巷、王家巷、庄裏、姜家庫（三十四保一区东六八图）。盘龍鎮（西六八图）。洋涇、陆家巷、大庫、寶家浜、邱家桥、邵家桥（三十四保一区东六八图）。洋涇庙、柿子园、泥牆圈、罗家灣、杜家宅、南塘桥（又名木蕩桥）、陈家宅、丁家角（三十四保四区十图）。北小涑（东上海三十保一图，西跨青浦三十五保二区三十图）。老陈家宅、姜家宅（三十四保四区三图）。顾家宅、張家巷（西六八图）。新涇灣、馬家灣（东六八图）。

田賦

分田制賦。以給国用。本村照旧志界。东至吳淞江。东南至王家寺、徐家老宅。南至康家巷、北小涑。西南至老陈家宅。西至盘龍鎮。西北至凌家桥。北至塢城庵。东北至盛巷。謹按其地屬嘉定者。字字号全。跨皇字号十一图。屬上海者三十保一图至七图。跨廿九保四图、五图。屬青浦者。三十四保